

清·方略館 編

清代 方略 全書

北京圖書館出版社



清代方略全書

一四

清·方略館編

北京圖書館出版社

清·阿桂等撰

平定兩金川方略

卷首——二六

清朱絲欄抄本

御製平定兩金川方畧序



前平定金川實祕受侵浸一處之歸降後平定兩金川則併促侵備拉兩處削
平之而屯戍其地不讀前方畧不知予之撫順宥過之寬惠不讀後方畧不知
予之保大經久之苦心兩金川之憐恩嘉望屬赦屬叛與夫不得已用兵之原
委而既見之後告成太學之碑文矣茲方畧成而司事者以序請從其請是贊
言不從其請是闕體以書之有弁詢嚴體例也夫示之義方之謂方定之智畧
之謂畧有方無畧失之執有畧無方失之隨二者相需啟而相得彰且方有隅
之義而象地畧有包之義而象天乾圓坤方陰靜陽動即兵法實不出乎此要

之本於敵而弗解公而無私泰而不驕勤而非躁然後能賞罰明而進退當緩
急應而機宜合運之九重之上示之絕域之遠忘憂不可掣肘蓋不可是必注
精神於董事之諸臣而念辛苦於衝鋒之策士嗚呼定方畧豈易言而成方畧
更難覩也今幸覩方畧之成庶乎五年忘餐廢寢之勞得以少慰而藉以解後
世窮兵黷武之譏所為伐逆不伐順伐險不伐夷者或庶幾乎



平定兩金川紀畧

乾隆四十有一年歲在丙申春二月兩金川平

武功露布神人慶洽

皇帝俞廷臣請

勅旨阿桂臣福隆安臣梁國治編纂方畧臣等謹率同纂

修諸臣編年繫月成書若干卷依次進

呈臣等竊惟金川為漢冉駝外徼

隋置金川縣唐屬維州至明隸雜谷安撫司要皆遙為羈縻而已

聖

祖仁皇帝六十年辛丑其土舍內嚮乞為外臣始受印信西番語大川曰促浸

小川曰儋拉因有兩金川之號嗣促浸土司邵卡繫儋拉土司澤旺以叛乾隆

十三年戊辰上命大學士傅恒往經畧斬其黨良尔吉阿扣興提督岳鍾

琪宣布 威德郎卡投誠乞命 上釋弗誅俾守其土司如故蓋 聖

度包容赦過宥罪冀予更新詢與覆載同量也何意狼子野心憑依險阻構釁
鄰封卒至稔惡貫盈亟取鋤滅斯則孽由己作而 天討所用誠有出於萬

不得已者矣金川險遠地錯番部其近者曰綿斯甲布曰革布什咱曰巴旺曰
布拉克底曰丹壩稍遠者曰鄂克什曰從噶克曰梭磨曰卓克采西謂九土司
也二十三年郎卡遜革布什咱土司色楞敦多布及贊拉土司之子僧格桑於
吉地四川總督卬泰檄綿斯甲布章谷諸兵擊走之時以番人讐殺不足煩大
兵乃 詔九土司環攻之久而漸懈郎卡侵擾不已至三十一年總督阿爾

秦等赴達木巴宗償拉土司澤旺老且病其子僧松桑走訴鄂克什祖其父子故有陳今願罷兵悉反所侵掠許之三十六年郎卡之子索諾木戕革布什咱土司并擄其妻德惠僧松桑攻鄂克什又分侵明正土司地阿爾泰等奉

詔出師克復明正侵地是歲十一月

命大學士溫福自把調拉德督桂林

自約咱攻克之三十七年三月桂林克卡了遣軍收復革布什咱故地溫福克資哩及阿喀木雅五月桂林有墨塾濟之失匿不報為阿爾泰所劾 命臣

福隆安馳至軍勘問罷桂林臣阿桂以叅贊大臣赴南路統領十一月克翁古尔整僧格宗十二月遂克美諾美諾者小金川官寨共金川之勒烏圍噶拉依

並踞形勢隱然為三窟云溫福克布胡部宗底木達俘土司澤旺解京而僧格
桑自美卧溝竄入金川乞援於索諾木索諾木陰拘留之時兩軍既會 命

溫福為定邊將軍臣阿桂豐昇額副之進討金川三十八年索諾木既拘留僧

格桑陰遣其頭人七圖安塔爾等間道出美卧溝故番之降我者以挽我軍後

時將軍溫福移軍木果木賊猝掩山後攀援而上綠營兵先潰溫福遇害小金

川地美諾一帶復陷于賊 上赫然震怒磔澤旺於市七月臣阿桂在當噶

爾拉由南臥整兵出翁古爾整 上授為定西將軍豐昇額明亮為副將軍

色布騰巴爾珠爾富德並為叅贊大臣調滿洲健銳火器營吉林索倫諸軍赴

勦臣阿桂西路明亮南路軍心奮厲所向克捷旬日間盡復小金川地三十九年正月臣阿桂進據金川谷噶山梁明亮克馬尼山前石卡富德統出山後合爲一奪取絨布寨明亮遂克木谿卡卡角是時豐昇額同舒常攻宜喜未下而絨布軍抵廣額特以阻於險二月^臣阿桂克羅博瓦山梁六月克色湖普此兩地並堅碉賊死守我軍鼓勇殲之直臨遜克爾宗賊大創拒我且益力臣阿桂偵知喇穆迤西備禦稍疎即令兵越隘蟻附猿引而登至攻日則了口下之特豐昇額等久頓凱立業明亮尚軍絨布寨乃

詔豐昇額赴西路軍留叅贊

武岱駐凱立業率徵之明亮分兵七千豫由凱立業進攻取道縛斯甲布會

綽斯甲布土司請為明亮前驅遂冒雨出不意走宜喜山梁克之并克俄坡格勒古九月促浸力不能支冀援我軍值僧格桑已前死促浸乃縛七圖安堵尔等及僧格桑之屍與其妾側累投獻西路軍前悉械至京十月臣阿桂克默格尔據日尔巴常噶復克密拉噶拉木及凱立業諸寨而引凱立業丹壩兩處官軍與之會合賊退守康薩尔山梁四十年正月我軍拔鹿角超重壕據其山巔四月攻木恩工噶克了口破之並舉沿河羣尼等寨初明亮既克宜喜賊掘壕斷道不得進臣阿桂令海蘭察福康安等率千人助之攷甲索合力奮擊克其薩克薩谷和隆武攻克日旁於是沙壩山達尔圖得楞皆相繼下是時西北兩

路隔河營壘相對濟渡可通五月_臣阿桂西路克噶爾丹寺及噶朗噶寨而避
克爾宗在我軍後久未下乃分路攻之豐昇額督兵毀其礮六月明亮克額爾
替及石真噶而賊所守昆色爾喇嘛寺者在拉枯喇嘛寺之上地最險_臣阿桂
由舍圖拉卡紆道入截其巖洞令泰斐英阿進至拉枯寺而額爾特直昆色爾
山梁拔之海南察克果克多山峯遂圍拉枯寺縱火焚之常保祿以攻留則火
海墮其垣明亮遂自石真噶下壓克沙爾尼其溝北為特思拉木濟南為丹札
木哨克之_臣阿桂軍繞巴占入九峯後攻克冷角寺進逼勒烏圍攻轉經楊橋
與勒烏圍大礮相倚有高礮八層憑依為阻我軍首戴榮捆手推沙土囊進薄

砌邊層疊壘砌頃刻成木柵三重俯擊砌下賊又穴地用礮賊衆之掘海以抗者轟擊立斃其西南有橋曰甲爾日碌橋為鳴拉依要路募楚兵泗水拽橋柱壞之至八月十五日夜我兵四面合圍呼聲動地遂克勒烏圍官寨捷奏云

皇帝下詔嘉諭臣阿桂旋議言今為進擣噶拉依之計宜先分兵攻取西里寨繞出科布曲山梁之上進抵瑪爾古當噶勢若建瓴賊可不戰而潰也九月由達烏達圍克莫魯古達斯里多碉寨奮攻西里破三碉十月取西里之旁草坪又克其兩山峯崖至卡布角十一月克舍勒圍祖魯雅瑪朋並取薩爾外阿結占諸寨十二月直上科布曲山梁其最高處曰索隆古悉攻克之進據則朗

噶克丁口頭人色木里雍中等乞降願為內應遂由瑪爾古嘴噶克舍齊雍中
兩喇嘛寺于十二月十七日統兵進圍噶拉依而明亮軍之自琅谷而進也連
克日斯滿以下山梁並納木迪斯底葉安後由日斯滿上通甲索克阿爾古又
克獨古木上下寨乘勝通乃當山梁剗甲謀躡獨松遮巴布朗谷時大軍既圍
噶拉依賊巢河而地遂迎刃而解先是富德遣舒亮等鑿地道抵噶咱普山坡
間施火藥轟擊玉是亦進據噶咱普並據玉馬爾邦以次徇穆谷唐額特曾達
諸寨與兩路大軍會合圍攻賊負隅抗守益堅四十一年正月我軍用大礮晝
夜環擊穿礮牆數重殲賊無算併斷其水道賊益惶震當西路軍進抵噶拉依

時索諾木之母阿倉姑阿青等先相率出降。至是其兄莎羅奔圖達克等詣營，持兩端觀望我軍攻益急。二月初四日，索諾木率其兄弟土婦及頭人番衆二千餘人出寨，捧印信跪獻軍門，生就俘獲無一脫者。自圍勦噶拉依凡四十餘日，金川圍境悉平。夫以逆酋抗拒，王命驚禽，鴟張久為西南邊外之害，其所恃者危竇斗削，雪深箬密，寸步千仞，以為大軍不能從天而下也。因是肆

貪殘，性逞陰狡，之圖始播言於維州，繼號召於昔嶺，眾難擢髮亡速，游魂我皇上，掄簡六師，分路聲討。一切山川扼要，竒正機宜，萬里軍情，洞若觀火。賞罰進退不爽銖毫，又賊人詐偽百出，或佯請受降，或謀襲後路。皇上九

重默運燭照加神屢

飭在事諸臣嚴防峻拒使之臧縮日甚毋得稍售其

奸至於從征將士摧頽寥砦奮不顧身別又

褒卹慰問感涕行問其番屬

弁兵偶謁微勞必加

溫獎若夫軍鋒所指深入長驅履勝則城以滿盈遇

巖則戒以輕率悉皆

申訓再三前後五年無一不凜承 睿畀實由

聖天子之惟斷乃成而

宵旰憂勞用以臻此成烈也爰乃謁

兩

陵禮 泰岱告 闕里獻俘

郊勞飲玉策勳五等榮封世爵固替

命

繪諸戰圖以彰盛績畫功臣像於

紫先闕淑吉恭上

聖母皇太后徽

號 頌詒天下

慶典畢施

御製碑文四篇一刻太學一刻美謨一

刻勒烏園一刻噶拉依垂示無極至若設鎮安屯經久歸畫次第行之逆商等
暨其醜屬咸正厥罪懸首藁街而諸土司畏懷重至今年入

觀便蕃

宴齊一如哈薩克回部之制猗與禕哉臣阿桂膺闕外重寄仰荷

天威犁

巢洗穴備蒙

渥眷

恩錫之隆古所未有復以兩金川者定之地皆所

身歷命臣福隆安臣梁國治編纂方畧書成後撮其大要臚具顛末以爲紀

畧臣等才識樛昧未足窺

乾坤之運量附海岳之崇深承乏編纂無任

慙悚